

復
初
齋
詩
集

復初齋詩集卷第六十三

大興 翁方綱 正三

石畫軒艸六

己巳十月至庚午十二月

於桐鄉馮氏拓得停雲館帖賦此兼示裴山芙

初

一聲玉磬雲墨蒸雙桐壁影敲登登紅絨笠子好窓日

二章尙記譜二承百二十年戊到戊

明嘉靖十七年戊戌此帖經始至

國朝順治十五年戊戌帖歸錢氏

有人竊補揮縑繪湖莊砌石謂娛老

山樵賣畫贖未能

南雲山樵文肅孫也

爾來屢本遍南北匠門畫

几凭老藤

重刻石在張日容家

兒時辨眼說真贗既聞武進劉家

曾四五十秋訪不得昨者蔣畢馮粗徵後先南宮舉首

客裴山芙初皆

禮闈第一 墨緣巧邁蘇齋朋過庭懷琳草閒換首

尾隸尙長洲仍義門雖涉越州出魯南奚取漉述稱文

家書最小楷勝秘閣刻漫黃庭矜獨喜官奴付鉢在井

苔且勿侈秣陵此帖精華當在此陰符褚艸偽可憎小

艸陰符系銜貞觀六年與快雪樂毅同一失攷

一真十贗那足校况乃珍秘猶

超騰崇深儻窺學仲瑤姿媚恐妬鐫吳興趙帖刻最不工湖莊

跋字渺何許雪坡補後誰重增尙聞數石馮未買幾時

并合收緘膾躋諸鴻堂雪堂右唐臨晉法筌蹶層月峯

竟以館代閣瑞伯肯誤蟲語水終乞劉郎致餘石不辭

響榻挑秋燈

唐貞觀造像金塗銅碑

貞觀廿一年正月八日佛弟子趙婆長孫阿薄

合義等敬造阿彌陀像一軀上爲帝
王師僧父母法界衆生共成佛道

我題天寶銅像碑三十年前黃子笈其高二寸濶八分
積瑩香檀露華裊芑堂同日蘇齋摹儼共姜周蘆雨濕
芑堂膚側繪作圖黃笈於杭孰收拾阮公得此高倍之
示我杭湖金石輯塗金面湧相輪光古綠黷沈寒不澀
雙龍合抱彌陀額丈六人天屹層級收入圓跌電影中
庚庚銖黍豪森立貞觀廿又一年春趙婆長孫來合什
更在前碑前百年褚書爾日人爭習我愛龍門造像刻
宛是褚書珍什襲陰符更越度人經細楷難量藥珠粒
八軀精舍鐘鼎閒百寶勝囊巧裝集湖船感舊更懷人
響榻窓光追景急黃金經牒妙香泥張段秘書交拱揖

蘇齋又續看碑圖寄傲芭堂摹弗及

與琴鵑論詩因題蕻石蘭竹小幀

讀書叅禪不二門漫言佩芷襲芳蓀儘教率意無高格
且試商量可問源

靈隱書藏歌

靈隱書藏事孰始始自杭刻朱翁詩朱公未及藏記讀
阮公索我書之碑我詩杭刻已深愧緣此議藏能毋嘆
同人去夏集湖上石子鐫我禪壁詞僉曰一集未盈篋
蓋仿曹氏書倉爲遂啟佛閣廚七十以備續皮籤裝治
生以二僧編以例匡廬白集寧聞茲石子書來趣函寄
正我盥寫金經時古稱大都與通邑名山藏副於京師

名山名刹更增重豈比家刻傳其私苟非懸之免指摘
或且倍甚來瑕疵往者新城王叟集青藜劉君隸寫之
欲藏蒿少果踐否林吉人楮名空馳嗚呼寸心千古事
甚於鏡影公妍媸念此傍徨汗浹背欲緘油素又屢遲
上有靈峯下湖水鑒我樸拙心無欺繼有哀函來寺者
何以助我加箴規寫經微願那足補日日齋祓勤三思

鍾伯敬摹坡像研

丙辰二月

畫來研背仙髯鬚畫爲友歟爲藥歟友則僭也藥豈須
此筆未染詩歸初意或欲矯王李徒故來詩境片紙摹
頰豪栩栩神籊籊我齋香藝松屏障伯時子固石傳樣
反遜此出眞實相神情似笑詩頰放挽迴波瀾起溟漲

墨池泓然無盡藏政要隱几窮諸妄

以畫爲友以畫爲藥昔見伯敬墨蹟

自題畫語

張芑堂寄石畫研屏

以下庚午

不見張子三十年金石之契誰爲傳書樓翠墨舊時夢
日擬圖畫陳於前忽得緘馳石一片澹如造物工天然
淋漓真宰濕元氣渺渺細路蒼蒼煙濛濛掩映遠近樹
得勢妙取斜陽偏條條橫巨大石氣青自太始無象先
畧以樹意辨山脉意佇無盡虛絲延空光飛鳥不到處
迢迢一線憑遠天此景何幸落君手來我看碑舊几邊
豈非精誠所融結早荷神力窮雕鐫吾儕墨綠締豪楮
遂以巧構煩山川蘭芽亦借古甌研虹舫訊我虹月船

又以古輒研作蘭一幀
賸之屬朱虹舫來寄
我齋偃松屏障墨嵩陽青眼雲

日穿軒題石畫六春首藥月正護春燈圓
乙丑春以所得天際鳥雲

詩意石畫屏
自名其詩卷

兒子復得山涇雜樹石畫研屏

昔題山涇雜樹卷馬抑之仿繆叔民卷後占者曰某歲
此卷當易收弄人余時意擬儻獲此癡想本自癡非真
豈意石畫研屏側此涇此樹宛目親橫卷俄成石兩面
橫斜踈密非筆皴涇厓之際若有路成蹊意與遊者論
繁林交陰葉間藥空青隔處爲橫雲或言松桂或桃李
樵逕外疑巢鳥聞影來墨池玉泓水倒出月鏡香圓輪
開花成寶待採擷垂條立幹爭輪囷石本無言種誰手

化工那卽栽培因畫無盡處石無盡矮窗一氣無邊春
對此讀書日有得石研成理呵成津沈家父子舊裝什
臨作對幅誇南鄰馬抑之畫卷沈石田尊人所藏昔每
以王春甫喬梓所藏石谷樹稿卷擬
之

朝鮮金進士以寶覃名其齋索題因賦此兼示
介亭椒石和之

蘇潭二鶴肯盟寒松扇清風韻未闌敢認文章傳海島
每懷風雨夢江干鷄林紙價爭真否蠻布琴囊愧借看
他日蘇門添故事謝家艸苗碧琅玕

野雲摹坡公眞像以贈金進士題此卽以送別
磐石筇枝醉態眞誰從燈影見精神匡廬八萬四千偈

正要吾齋舉似人坡公云吾嘗燈下顧見顴頰使人就
余也據此知外間所摹像皆非真耳

雷塘葺主像

公墓書塾碑因剔甘泉字古隸漢西京特見居廬記像
圖兼墓圖廟石攷以次豈惟志乘補重以文獻備筭彼
雷塘葺槌與書樓植儵然笠屐主收盡巾箱秘昔也煙
花場今爲經肆地塘以葺傳歟塘葺孰位置炯炯雙眸
問上下千秋意畫者何處枯波光與山翠

蘭雪卽行走筆送之

舟車鞍馬際廬井與江湖去住皆詩髓襟裾有記珠三
春聽雨處十憶對牀圖萬卷精神合香蘇卽寶蘇

題陳受笙集古刻冊二首

手書不是信傳聞下辨仇君記李君更在熹平石經上

世間景慶此星雲

右題龜池五瑞碑漢隸皆無書人姓名惟樂陵朱登書衡方碑及仇靖

書此皆在蔡邕之前

孝謙隸楷啟初唐尙勝龍門古驗方我正遠追光伯筆

杜江陽灑杜當陽

右題北朝造象記阮芸臺跋因北朝諸碑而及北朝經學也子於北朝

最愛焚孝謙所書孔廟碑每讀宋江陽杜進士獻可所輯春秋諸家說尙及見劉氏規過之書

題魏莊渠手牘

我昔藥洲上鮮門追葑門拈示靜坐處一氣齋心存卽

茲三行札豈探六書源性理締宗旨篆隸窺籀焚二者

孰居要勿畔道之門吾寧慎所從敢云澗羣言梓溪探

梅說詎以俞邱論曜石亦有述紅豆徒囂喧勿輕片紙
試下上燻與原

題徐元歎詠山中未開梅詩手艸

誰於冷澹見雄奇那炫空山傲世姿落木庵居留楮葉
西涯竹卷託禪枝欲憑烟月論心事不恨冰霜補過遲
暮雨浪浪人對語偈餘擔雪早春時

此詩卽書於篋藏
李茶陵竹詩退翁

和尚跋
後也

送屠琴鳴之官儀徵三首

阮公經術手藝圃裁於杭豈惟樹藝圃還樹召伯棠藝
圃深經術經術爲文章仍磨八軼研饒爾羸詩囊

昔聞陸麟度遺愛邗江澳四焉文具在先子所親自熙

中陸公師治儀徵有政聲載曹諤延四平湖作宰日嘉
焉齋文集先君遊揚州時親見其事
定頌盈軸吾嘗手跋之憶爲傅生祝門人傅進士作霖
書先生去思宰嘉定子爲題稼
頌以饒之屠生非詩人政理接前躅他年國史傳循

良補二陸

二年秘省直翻恨未細論臨別題坡卷悵言叩本根艱
哉千古事勿輕浙派援初白菴主後樊榭與壽門舊時
崧坡叟往復共尋源苟非深杜法何以目道存湖山英
靈氣洞壑風水吞渺乎雲日燕鏗著春潮痕

四明天一閣宋拓華山碑今由錢氏歸阮芸臺
持來再題用王孟津贈山史韻

經師兼及蒐金石跋尾曾聞秘謂全未翦石邊唐

宋蹟誰追窓影廓填中補幕河北金吾印想像南禺雪

爪鴻廿載紫雲堂下夢凭闌小語記錢翁乾隆庚戌仲秋辛樹橋此

共賞是日晚飯汾陽曹受之紫雲書屋也此內無辛樹

跋亦猶在四明時無豐跋而宋漫堂本得自王長垣亦無長垣

與立山同觀雙藤窠卷

陰陰春雨餘楊公來話舊白首老弟兄歎敘自孩幼雙
藤卷適開又值春陰候豈爲花事歟詩意滿襟袖追昔
庚午春半楊繩樞儼三轉橋西屋論文每長畫仲也副
舉秋林陸歡相就爾時丁九弟尙未都門覲九弟今陔
關又茁荆枝茂蘭又蔭生孫窠接絲如繡誰知五叟幘
爾我二老近年年此濃霏簌簌鋪陰厚爲爾上冢人晨

名不虛傳卷之三
露加芳漱對牀硯席添鄰巷聽簷溜重當貌一幅石倚
青苔皺我補艸隸題交影藤根瘦

題陳魯南寫生軸二首

破墨拖枝意渺然石苔空外點橫煙隔江雨後青蒼氣
肯借園前院體傳

苑遊記共停雲叟商畧天機過白陽題字若論坡老派

可偕玉磬叩升堂

魯南書
學坡公

琴鳴將出都以寓居古藤老屋圖屬題二首

街西粉墨吹香遍繼小長蘆屋古藤一幅篋攜窓影去
二年館課讀書燈

漢隸商量法更深盤拏鐵榦翠交陰濛濛寫出濃春雨

爾我年來對榻心

大埔鄒生今九十九歲以 恩賜檢討來祝

聖壽將歸求贈言二首

昔時髦士今耆宿記我韓江聽雨春
椽木深根垂古綠 婆娑蔭到百年人

賓僕堂昨句如新作賦摩空得幾人
海接金峯培氣厚

力田孝弟更風淳

乾隆乙酉春予初試潮郡以天
地左海爲賦題今四十六年矣

芸臺家塾摹刻秦岱頂字漢華岳碑屬爲賦詩

漢蔡中郎秦李相隸原於篆推杜陵雷塘莽主並樞勒
高古無上誰其朋先是北湖書塾壁岐陽十鼓吾伏膺
四明假來舊裝冊陳倉野若披榛芳自從刻此無與繼

類帖而下賈可憎公昔手剔琅邪蹟段生眼共追窠鷹

梅溪長歌和梁尉姚寬語漫微紹興學易老人舊譜在

甲秀堂帙猶堪憑華碑世傳三墨本我皆響榻餘鋒稜

豐學士藏題識備鮎埼亭跋菟齋稱漫堂山史本互較

孟津後孰遍賞會宋漫堂與王山史二本皆有王覺斯題窓光宛聚范王

宋嶽靈照徹嵩霍恒郭香香察且勿辨劉熊我竊比夏

承中郎所以秦相滌杜於古隸彌兢兢肯舉二家該眾

派坡老恐未深勸懲但言蘇肥杜貴瘦何啻妄剖蟲與

冰卽茲二刻石鼓證氣接萬古相然膺後來右軍亦祖

此八分二篆誰兼能一書屋笈合雙壁俯視百萬筌蹶

層那問姚秦石趙字汝刻蘇綽溫子昇云竊續摹北朝諸石刻故篇末

之及

近人有仿張爲主客圖取張司業賈長江以下
五律成集者賦此正之四首

五字論中晚誰將杜法叅宗支從渭北甲乙到樊南是

有君形者寧徒正味含罪言如不朽綺語又何慙唐五律

詩繼少陵者樊川玉溪耳

十子錢郎後誰升李杜堂寓言原楚些古賦自班香濃

班馬香謂上林兩都諸賦非遷固史也力挽千鈞上神周萬象旁弦歌韶

武接豈止律三唐

律句趨平弱人心學術關聲雖嚴黍尺氣可敵江山五

字推敲處千秋祖述間如何憑窘步騷雅欲追攀

然斷吟髭者牙弦叩軫徽沁心非僻苦放手乃精微長

律申之祕中圓殼者機借他評畫說打破作家圍

五七律同

殼率也而謂唐人然髭句不屬七言可乎近日譚南田謂打不破畫家一字圍曰窘也此仍主客圖者正坐一

字窘

坡公鹽官絕句殘石刻杭人濬溝得之吳槎客

摹以見寄

秋潮聽罷喧枕聲晚粧夢人涼吹笙衝泥洗足更何有
臥看佛閣香煙生始從南寺歷北寺塔影放出空光明
霜風來問檜千載蓮漏替報鷄五更偶歆僧榻聊試墨
禪機詩法兩不爭只有湖山墨緣在莘老殘石雙妙并
恰在杭州通守日軟脚酒締嵩陽盟墨妙亭石或贗出

而此真氣餘縱橫吳君手拓寄我讀漳浦藏印非舊評
墨妙亭詩殘石有石齋印者非真也湯邨部役豈足記賀監點筆令人驚
卽今重嵌湖寺壁快想侑酌蘇祠傾且莫施願注本議
猶勝王許詩譜賡吳君以此石本先北寺辨集本之異而是日吳君適以重錄許東陽詩譜
見寄故末句及之

郝徠峯讀書圖二首

玉虹吸月米家船炯炯神光燭影邊合著遺山來鑿面

蔡邕書籍爲誰傳用元裕之贈郝伯常語

氣霽疎林淨午煙曠書涼露碧雲天一襟却倚空窓月

秋在凭欄得句先世說郝隆曠書在七月七日

楊雪颿觀察蕪湖屬其重立米碑

洞霄宮客祕虞歐齋籜蘭盟貫月舟小楷我同珍頰上

系題誰識仿襄州競看仲玉新圖繡笑詡屯田墨蹟鈞

千載

中天文盛際故應殘石表琳球

是碑在米老重裝蘇王二家蘭

亭時米初罷管幼洞霄也石尾有米小楷書七字故與頰井蘭亭秀注小快字同表出之米學唐人羅讓書襄州新學記此共題式也章藻重勒一碑是集米書爲之而章氏刻入墨池帖跋以爲米墨蹟故辨之

五老峯歌題齋壁作

偶見王麓臺畫賦此正之

我昔攬轡南康城夏生萬生負笈行興窓指似面面出
五老真意如笑迎午飯栖賢水周闔插天翠黛排崢嶸
直過九江尙迴眺肩背以次穿雲橫不知青蓮攬結語
果於何處茅舍營金芙蓉作黃色喻彼詮釋者真書生
空青博厚一元氣巨廬全勢融結成山之東南奇至此

爾日巢壁拈何名何人忽作登陟想漢陽誤認天梯坪
廬山最高處日仰天坪在漢陽峯上
李太白詩刻本或作登五老峯誤也
近者查田撻雲客
海絲亦託扁石輕何峯何頂幻萬象一卷一笏渺大瀛
恐是詩家極誕漫渾乎峭絕誰攀爭麻石獅子寄禪夢
五星河洛追光晶翻作尖峯矗如筆又或疊架肥相撐
山志五老峯圖以中峯獨圓而旁四峯
夾起者作筆架狀蓋與麓臺畫均失之
試來吾齋齋壁
見竊比於我五老彭真幸上通襲氣母大朴頽頽沖不
盈杜陵信誓讀書處角弓嘉樹無寒盟峯峯居尊非嶮
長老老齒讓齊長庚谷園詩几舊謀藁浩蕩雲海詞源
傾真面更何橫與側客來羅拜飛霞觥

樂安公主玉印歌爲朱野雲題扇作

翰林假歸囊不俗買得前朝寸方玉莫執便娟厲叟詩
穠李華餘事翻覆此母終然傳此壻帝甥樞樞繫倉皇際
都門誰覓鞏家孫兩印依然礪盟誓鞏公兩印玉亦完
散木菴同錢七觀錢歌屬嚴并買此欲軸厲叟詩同看
宋生多事圖成冊簞弗雲鬢膩珍澤扇頭窠簇刊江雲
篆裊香殘圖不得小池印史摹並鑄要我題增厲與錢
請君勿作脂粉語三印兩人千萬年

鞏固私印帝甥二字壺蘆印董小池

與此同摹重鑄也

書洪文惠石鼓跋後

歐陽疑岐鼓尙信章與韓韓歌峙今古始定爲周宣楚
椒晉羊舌記禮皆攷原鈞臺景毫後遂繼孟津傳蒐狩

兼會同豈執車攻篇是以岐陽篆吾師董廣川盤州詞
場日鑿古想接肩臨安緬鎬京榛苓懷澗瀝載矢蒐岐
頌自言切拳拳書追獲麟後意在鳴鳥前滂喜續急就
亦附三倉編上下萬古心八分二篆詮惜無鼓釋文正
彼施薛潘劉球婁機韻近刻又訛沿熹平一字辨蓬萊
八石鐫不徒舊拓補僅祕宣和刊

書隸韻後五首

以韻拓漢隸創自洪盤州豈知淳熙初石本表劉球此
石廿載後字原槩饒州後人推隸學繼洪惟涉婁婁編
野處歎意與家集酬未窺通守篋時假劉韻搜香光攷
德壽但向賈紙求區區沈應奉附名珍千秋

卷末云御
前應奉沈

諸碑採彥發最後得復齋可惜饒郡哀不及陳思儕淳
熙初二載榷場孰取皆漢碑萃究濟陝洛通江淮爾日
書船泊寸鉛曠古懷所以樵李編恨不都陽偕莫輕劉
氏子上下營顛厓此皆盤洲老蠹紙昏眸揩偏傍辨點
畫橫直窮根莖悠悠湧喜補肯許倉雅乖

尉律課學僮初以八體試甄豐定佐書漸見三倉備凡
將與元尙出入誰哀次艱哉盤洲公懲鑿增新畜衆史
雖堵牆不敢贊隻字惟期勅及泉豈計山虧簣自言辨
碑難嗟爾表函易毋乃小胥爲均諸竊村棄方圓增減
際假借形聲義尺黍鐘律簾豪芒圭鍼秘辨眼劉沈問

鈎摹歛與識偶貽墨蠅誤放送捫籥智容齋序裴編慨

乃並時寄清問海虞鐫誰附鄱陽箚

此刻勝於毛氏汲古閣刻字原遠矣

南原撰隸辨云以資解經其然豈其然欲聳鑿者聽且

莫故書補先問聲與形雍熙狀所附筆畫參奇零何必

構李述羨同懷璣銘中間叩韞璞那辨颺與颺反遜劉

石本朴質無丹青不以箋傳炫亦未許說聆恐是南渡

後書賈所發硯有時尺沼影圓曲窺天星陳家寶刻編

儼升歐趙廷墮掇豈一例肯遽區渭涇

我齋軸漢隸十丈充蓬蒿小兒凭作梯下上若猥猥廓

填借窓光終日寧憚勞忽復三十秋尾波記釐毫每欲

量筆勢小大各分曹武梁祠畫榜豈例蜀與褒

漢隸大至三四

寸外無若蜀王稚子關及與斜
鄱君刻而莫細於武梁祠字劉斐率一律寸木岑樓

高不獨孔琳書僧押同書營焉得方伯謨神全九方皋

復憶石公語把卷持雙螯子昔撰兩漢金石記張石公

似今耐摩率巨幃邪莆田方伯謨爲放翁親視裝治漢隸十四卷無一字差誤

送洪介亭典陝西鄉試三首

正擬拈詩髓舟車鞍馬問劔南緘訊處陝右夢追還巨

掌雙開岳疇輪四扇關篋中敲筆響氣已峙河山起前用陸

放翁致杜
敬叔語

昨附盤洲跋岐陽渺薛潘輕言麟狩傳來補鳳翔觀碑

洞諸題在唐陵片石完尙希林趙後十鼓敢追韓林同人趙

子夙皆遊九嶷而未知有虞恭碑全石

吾門三使陝經術又詩人關隴漁洋記兼葭渭水津眼
空誰問冀胸貯得全秦十載重題軸蘇齋句有神甲寅
齋堂戊午秋王蘭江及今而三矣予題齋堂秦
川圖有推言故事誰堪並之句若爲今日兆者

葉東卿得司馬文正公與兒子手牘殘石爲硯

予因爲訪得其全蹟東卿勒諸大理石屏合前

殘字裝軸屬題二首

晚鐘響處磨崖影飛向君家作研屏莫笑欹斜雜莊楷
重翻果有損蘭亭

家訓傳家比六經書燈夜夜耿窓檣傲他醉墨摹蘇竹

誤點青山半壁青此蹟舊在江秋史齋與坡公別郭功甫九字帖同冊功甫帖子已摹勒小

硯昨見錢榘翁持來贗刻
坡竹亦重翻九字於其右

旬日來校劉氏隸韻手摹殘隸得四種裝爲冊
各系以詩

巴官鐵盆銘

隸法焉能誤篆文斗形笑說運成斤戎州歸路昏苔繡
恨不同時寫舊聞

何君閣道碑

槃洲隸品漢東京不是中元先去聲末平磨墨成池筆成

冢岐陽鼓後與誰爭

周憬功勳銘

武溪深曲九成臺浪峽雲從桂嶺來多少庚庚橫埋夢
居然石墨對船開

閩鄉四楊碑

宋裝禮器舊誰聞偏記楊碑界局紋空費丁香窓樹影

王黃朱孔坐斜曛

三十年前王述菴購此碑詳爲異寶日與朱竹君孔菴谷黃秋盦來吾齋

共賞後乃知是贗作也漢隸有界紋者禮器碑舊本尙或遇之

題隸韻卷後邀芸臺秋農同賦兼寄敦夫六首

悠悠滂喜意誰知苦說中郎未好奇借問孫甥難替筆
何如搔首欠伸時

陳起陳思伯仲間北碑瓊蠟渺河關摺痕那問裝衣帶
尙有鄰燈乞影還

厚菴齏使翰林秦繼李茗溪有解人啜絕海虞純楷手

翻教繡像讓曹寅

毛氏汲古閣重刻漢隸字原備一不曉分隸之楷書手寫之視婁氏字原

之從隸韻摹出者又增一重霧障真所謂扣槃
捫籥以爲日者此隸韻一出卽字原可廢耳

許鄭誰區素與青季將碑字漫奇零掃除嘉祐章楊篆

笑比南原索解經孔宙碑醉字正在石泐處以此刻證
之足矣近人有謂說文改醉爲醋者

愚謂不必強
許以就鄭也

金鄉七子蔡朱仇難借劉球問耿球王曜鴈行君記否

米顛空說遼鄉侯遼鄉侯劉寬碑米
老目爲師宜官書

圍規鹿直量崇深旬日苔垣雨榻心悟得鍾王欵反正

晉書制贊字兼金

趙象芬舍人菊隱小照

似隱元非隱澆花覓句人苔岑論臭味樹石總天真下

淇撻雲夕東籬挂月晨淡無著墨處全是菊精神

送姚秋農宮允視河南學政

六經圭臬中天際尺黍持衡借指南三闕雲深嵩石室
隔年字剔洛伽藍興憑粵嶺尋詩夢札記王甥續筆談
正要章楊論篆法日題隸韻寄征驂適與秋農共論揚
州新鐫淳熙隸韻
援洛中嘉祐石經爲證去年洛寺
得禮記殘石今貯陳留學宮也

畫蘭小幀二首

湘江月未高蓬捲橫洲霧淡處點蘭芽秋空半風露
譜到補土孫神來矜尙左我作竹枝看江南鐵鈎鎖

薛衡夫山水卷

圖成三丈神千丈咫尺天台連鴈宕溫台簇起指掌中
天姥龍湫儼相向松崑薛君之妙墨快爲乃翁傾斝釀

老人臥遊過九十福地金庭日來貺尙記捫蘿策杖時
踏盡平生屐幾兩盤陀跌共水相忘石梁橫借雲依傍
霞起赤城凌倒景玉甌洞天排列嶂孫興公賦藻孰摛
徐霞客記艸誰勑十八精藍齋舍徧名在丹臺何自訪
一條瀑布萬古飛昔爲君題屢馳仰兩峯羅子持示我
作者於今罕輩行兩峯筆派到小峯君有才郎起相抗
裝函千里叩蘇齋瑤艸瓊葩指崑閬三世流傳翰墨緣
千峯一氣來奔放知我琴心衆山響小隸厓間皺叠浪
此圖補入畫徵錄少府劉家濕屏障

二老比肩圖

獻縣紀公容舒戈公錦康熙癸巳
鄉試同年也圖成於乾隆己卯五

月

二老此會時我病未趨謁五十一年後鬚眉栩栩活子

舍並街南橋東岸舫潤何減獻王宮邨樹倚鄰剎白頭

老同年幾箇共京闕歡言戶羅棨卽見牀堆笏茶星秋

出使汾晉車初牽前度芥舟詩題遍雲霧窟是秋我快

披佳山眼如豁己卯秋予典試江西時讀芥舟遊廬山諸什蓋癸酉秋董文恪奉命寫

由廬全圖故二主司皆得過遊廬山前後典試者所無也仙舟復同年萊衣續衣盃

紀文達與戈仙舟同甲戌進士季也侍裝函伯也代書跋維時文達公

綠蔭筆交樾顧謂沈郎笑篆憑陳十渴儼齋草隸下樹

石藁纔脫日光宛注存笑語深貽厥兩家到孫曾三世

對門閤近 畿文獻留幾夕燈燼撥石閒童捧書衣上

膝搖月是卽家訓編儼銘閣老碣因之勗吾甥豈獨手

瓶沫

宋芝山江山秋霽

邗江烟翠點微茫，夢遠秋空鴈一行。
泥著小欄凭鏡影，近來併不訪倪黃。

題葉東卿所藏古劒戈二首

程叟說經非說劒，鄭疑北海信三山。
橫街小几苔垣下，記考深衣樹影閒。

程易用撰通藝錄依鄭剛中以腦為鬣誤也故因及昔寫康成像事

未谷緘來三十年，右軍苔剔薤科拳。
枉教歙縣金脩撰，

破却工夫作禮箋。

戈銘十五字篆款云廿三年陳口口命右軍工戈蒐正豎此戈視曲阜

顏氏所藏非
卜戈更古也

李次卿於書肆購得予所撰兩漢金石記有人

增書武斑碑字喜而題此二首

從何得此初殘本拓距歐洪甫幾年歎息秋盒不及見
紫雲山路日磨鉛

伯魯書人是伯曾洪家伯允釋還憑裂繻子帛將誰問

得比衡碑署樂陵

衡方碑尾云樂陵朱登書

重建愛古軒歌

廣平郡屬愚據宋拓舊本爲摹勒漢夏承碑

此軒二百三十載復見建寧碑未改迴視漳川講舍墓
何減穿暈痕猶在此碑出土升此軒隸釋當時笑隸原
婁氏字原載此碑已多訛豈意芝英金薤氣仍飛棟戶遶梁間秦公
愛古非全古一半字經成化補那須欸記認陳畱除却
中郎復誰語從今莫詡都南濠愛古軒碑價更高涇陽

張公此軒主一笑對客浮春醪前石後張兩賢守快比
秦唐金石壽摹碑書扁力何有區區賤子亦藉傳不朽

天冠山詩畫卷

天冠詩墨貯吾笈二十年後重作圖趙虞袁王神迥出
一洗陝石之虛誣一線天與五面石道人意作冠巾摹
山間行吟問逕者豈是虞趙袁王乎記我停車信宿處
畫山卷卽尋山途尋山訂古緒徃復夏生辛子曹與吳
文字之靈照今古昔賢所夢來吾徒行輶罕此奇快事
墨綠壓倒桓家廚披圖磨墨汗浹背如斯汲古嗟已蘧
岱峯歸餘涉洙泗禮經句讀紛墨朱竊希高堂問禮蹟
淹中里訪山城隅徘徊日夕竟何得空剔瓦棘驚樵夫

大庭庫址再三歎戟門橋外增踟躕陝石辨正事何補
區區軸玉誇寶蘇

城東萬柳堂燕廢久矣泰州朱野雲約同人栽
柳葺垣作亦園訪柳圖題此二首

尋詩訪古叩禪門詩在城隅老樹根補柳重題元代柳
亦園仍作野雲園

廉右丞號野園
今朱君亦號此

池亭且漫前朝滌文

獻先從近歲論交響迦陵徵好語詞場客又倒清尊

茨垣塔影夢層層不爲攀條石檻凭內史流觴襟尚結
外家鄰塾緒難勝香煙縷又披高閣句髓拈誰記老僧

謂夕照寺

已有客題前已卯盟心佛閣對水鏡

野雲於

松芝和尚 康熙庚辰查聲山書陰陶文自跋有己卯秋典江西鄉
試語予亦於乾隆己卯典試江西因附識此墨蹟後云

瞻雲樓歌爲昌化魯孝子作

古人望雲託思親思親特借雲傳神豈知割股愈親疾
寸心默與雲天質雲天照見割股時此事不使旁人知
孝子之心哽誰語孝子之子能傳之左股血糜驚戶牖
孝子當時年十九至今題詩屬此樓此樓翻借傳不朽
杭之昌化浙水濱淋漓氣尙衝星辰瞻雲更比望雲切
千古羹糜一片血

室人墨菊

南山淡影墨光深不寫東籬隱逸心自是菊泉新釀意
墨光灑作一叢金

城東訪舊詩四首

拈花一笑踏前塵曾作禪堂種樹人叩戶琴絃添不盡

手書囊底墨猶新題查聲山訪訥禪師詩墨迹卷朱君與廉右丞俱號野雲故借用邢昺悟

前生

故邀深雪掣機鋒不寫山陰訪戴蹤橫出瘦梅清峭影

昏林遠岫一聲鐘題元人雪景朱君於寺得此軸因得訥禪師像像有深雪題贊

花遠齋厨鶴聽經團蒲香炷眼俱青幾人可共禪牀對

寫入匡廬夜話亭題訥公像廬山圓通寺後有夜話亭壁寫歐陽文忠及訥禪師像

登登壁響悟前盟梨棗心田且退耕更養根芟題萬柳

誰教因果話三生題聲山書陰隲文子幼時於外家塾壁手拓聲山小楷石本故因及之

題涿鹿馮氏所藏蘭亭第十九本因讀禪石集刻其舊作恐

貽誤觀者
補錄此詩

華亭偶說裕會臨那記金龜蟹與針翻愧米題黃絹本
龍齋合縫費追尋

坡公嗽荔圖

朝雲捧酒
壺於傍

意到仙人白玉京非關風骨對傾城水盤桂醕三盃醉
絳雪瓊漿一氣清西麓銘餘雲尚濕合江樓下月初明
竹陰那必湯泉響自是先生長嘯聲

復初齋詩集卷第六十四

大興 翁方綱 正三

石畫軒艸七

辛未正月至
壬申五月

野雲爲摹趙子固硯背坡像

此圖四十有七春重摹重見公寫真先生自言燈下影
大海星宿追峩岷趙夔齋硯悅對面三硯齋客朱野雲
知我蘇齋齋壁句觀者要與蘇對論酣放精微非二義
悟言觀微皆妙門玉堂赤壁等幻戲雲窓月笛一映塵
笠下蒼茫照萬古直以大海傳精神子固硯圖尙未肖
不在顴頰鬚眉紋浩然之氣塞天地載酒堂後誰主賓
軸成坐客皆起立懍若寤對申情親又一夔齋下拜處

子亦號夔齋昔年手摹趙子固落水蘭亭朱
竹君倪餘江皆爲題又一夔齋四字齋扁 鐘聲落月
鄰窓聞篆煙香縷儻如結印須印涉來問津

夏山欲雨圖

巨然許道寧
皆有此作

夏山奇在欲雨時醉許之前推禿巨江千先有風水聲
不是溪橋寫行旅巨卷聞說瞿昆湖晴巒半開雲未鋪
一筆蒸空罩山頂密林瀾漫青模糊此幅東都絹本臨
非巨非許誰能任沙灣未斷布網處杙閣時聞樵採音
山凹淡白白漸深四巾一氣天沈沈支窓萬綠皆積陰
忽若遠籟穿秋林此皆墨法沈頓處不在飛湍起烟霧
淋漓真意何自來渾厚蒼茫得天助墨林江柳莫讓渠
躡軸今到王尙書玉琴操動衆山響濛濛已兆初春初

有項子京高
澹人諧印

送秦小峴歸城西艸堂歌

公昔持節嶺海疆日懷城西舊艸堂
遂菴如見遂初叟

艸堂中

有遂菴詩名高揖范陸楊去年詩索屠生和圖畫江鄉

競傳播誰教好手出林巒似盼歸人來坐臥白雲司榻
書景深忽動梁溪返櫂心此堂此菴寫心跡元非寄託
在登臨華家真賞顧花閒

華東沙真賞齋豐南禹作賦
顧梁汾花閒艸堂毛際可作

記遂初之意誰追攀活火松風烹乳水橫窓翠黛捲龍

山此堂歸來有此客尋詩復夢長安陌盡是詩中宿墨
緣不負堂前雲水白豐銘毛記恐弗如遂菴今始擬遂
初畫卷更添吟社卷

小峴家藏沈石
田碧山吟社圖

書來示我益齋書

尤延之遂初堂書目一名
益齋書目見楊誠齋集

題王石谷爲邵柯亭先生作江城話別圖

都門故事源師承翻借離尊寫秣陵石谷中年名正噪
康熙辛酉石谷年五十田居北望緒難勝一經津筏家傳始同氣
淵源世澤仍記我邵菴懷舊句船窓先指讀書燈先子受春
秋學於柯亭弟虞廷先生乾隆癸卯虞廷孫自本會孫
延會皆爲子秋關所得士嘗用道園集中邵菴專賦詩
以贈楚帆

野雲寫秋山小幀寄贈金秋史進士

遙青濕翠澹重林不寫山居幾曲深一段橫雲來隔岸
有人相對話秋心

王蓬心山水小軸

畫品推小簇遠師王右丞縮之逕寸間曠奧瀾精能邈
者苧邨叟意弗乾擦矜得墨乃見筆冉冉雲與蒸五洲
小米卷三湘北苑凌亦有石谷藁障濕追杜陵淞南蓬
心子薇省人共稱晚放楚洲棹墨叅南岳僧此尙中歲
作苧邨錄未曾想在城南齋已超諦上乘發我黍珠墨
細楷攢飛蠅軸之三硯秀挑盡春夕燈

張文敏畫梅二首

天瓶書法我無詩特寫空山雪後枝恨未添鬚圈辦處
料量擬押鐵鈎時

未和寫論付官奴夢到梁唐舊本無別有橫斜踈放意

劔南老眼徹冰壺

予有宋拓樂毅論得
天居士品題如此

裴山拓寄桂林方孚若詩境小字并其昔與謝

蘊山題名石本二首

到處題詩境如緘敬叔時

放翁與杜敬叔論詩手札亦鐫桂林巖石

窠尊厓

待剔漫叟蹟誰知

方字若又勸此二字於道州窠尊予屢屬友訪之不得元道州窠尊石今

爲嘉興某僧所得去年張叔未拓以見寄刻云方子爲元子作此石今藏嘉興曹秀才家坐臥聞吟

嘯箴規日奉持求方因夢陸小軸亦吾師

謝郎同詠處錢子記重來袖有湘灘綠筵餘客主疊山

川知境熟忠孝出詩才老竊師門忝青慚寸石苔

萬柳堂補柳詩二首

二月二十日

廉野雲園樹今又野雲補竹坨東海詩猶及金垂縷往

者宏詞科羣賢迭尊俎上追三百年蓮塘與花嶼阮公

萬柳緣曾作六橋主上巳蘭竹觴東郊童冠侶是日天
氣新新蕘膏赬土亦有杏欖桃漸卜丁香吐盎盎晨光
中欣欣載筐筥求友鶯已巢銜泥鷺初乳濛濛綠煙來
澹與人意竚塔影郭外雲春分社前雨芸臺三月三日
治具小集
外家塾南寺兒時所釣遊尙記髣柳根沙際依淺流幾
得舊觀還愛爾良辰諷穉陽遠萌芽春氣正和柔壑深
量土潤功倍營田疇行見躑地條青瞻御書樓朱君
長兒孫他年話朋儔吾鄉景物志遺聞繼前脩多時償
願言默有神明酬陰德自栽培穎發非鉏耰感舊孰如
我嘉樹傳可求勒之僧壁石泓然映春洲

三月三日補柳小集

東泉栽植接春耕塔影西峯遠黛橫廉相陂塘新柳意
已公茆屋舊詩聲筵開壘翠當盃合畫補煙光蘸水明
畱客茶瓜呈佛句低回三十四年情乾隆丁酉與曹慕
堂來此有隔牆還
見野雲橫之句若爲今
野雲居士補柳兆者

趙文敏蘭亭十三跋殘字歌

此帖曾見俞壽翁未來獨孤禪室中紹興甲子菊花節

贖錦尙飈游絲風

吳傅朋跋見
俞氏續考

異哉馮家識力短闕此

片石精磨礪不刻右軍刻松雪劉雨若者摹勿勿卽今
燼餘羽飛蜨猶想海戲冥羣鴻世傳潘刻靜心本何止
書竊陽虎弓嗤爾劉郎方寸鐵畧等秋碧尤鐫工失摹
解日兩小字今併羽化隨烟蓬誰歟跋尾叩真宰鮮于

外肯朱錢同

朱敦儒錢選

練塘正書跨北宋丹邱拜石追南

宮寥寥三段摹我篋

吳傅明一跋何敬仲二跋

龍飛鳳舞推神功董

華亭恨口門窄趙夔齋漫篝火烘董跋又隨別本去誰
家暗檻珍雕櫳真帖不攷攷趙蹟我不嗟趙徒嗟馮長
安薛家石久泐孫陽孰果冀野空吳興終身弗去手竟
莫辨析鞏遷崇桑俞二編渺悵望五字九字懷忡忡癡
說爨餘香十里百花誰問山陰紅

題秦敦夫古器款識册二首

景初懸帳蹟猶新豈有凌雲奮藻人細隸武祠題尙愧
輕將澤淥例評論

古隸細字未有過景初帳構銅者其果章誕雖不可考然未可例視也

彥發猶聞錄厚之薛家款識孰多師邗江並有長箋在

可借銅斑競陸離

揚州新鑄淳熙隸韻在婁氏字原上與阮芸臺所藏復齋款識足並傳也

張桂巖蓉桂圖

桂巖自寫沅湘圃不比王維畫雪蕉佩結爲裳香作檝
墨花秋動楚江潮

以寶晉硯山合海岳菴圖爲軸

玉笥方壇積翠重晉唐去日綠更煙濃此圖却補梅花衲
不借江南六六峯

周崑來神駿圖

自寫題神駿禪非悟道林所參於骨法肯設以機心墨
喻龍翻水人傳璧價金蒼石茫雲霧外得筆乃雄深

送樂蓮裳南歸

空同於昌穀惓惓適湖湘

天章

與李

丹壑

然否嗣漁

洋詩髓悟者誰坂路峻日長格調神韻閒延竚徒仿倂

自我涉江廣小謝出南康時與木鷄叟

韓石

藝圃咀官商

小馮來欽州拊曲亦在傍二子叩與應神理仍杳茫至

今撫卷歎深慚細論量臨川有樂生芙蓉集爲裳三載

竹汝來衆峯絃一張春盡又思歸千里跛子望夜宿劉

子齋風雨沈趙牀是時才筆雄威鳳噉天閭南雅翹吳

門芷灣起程鄉亦有爾同里洪生自宜黃偕於我蘇齋

問涉杜韓航風雲鬱江海舟車卽津梁徃訊蘭雪生卽

否金十郎壯懷豈易吐尺黍調絲簧近來摘藻輩唾拾

長吉囊騷些命以理銓艾誰羸糧匡廬非側橫真面對

青蒼譜之葭瑄飛奇律嘯歸昌三年約金吳嘯敵乃升
堂始知詩境熟快共蘇齋觴

辛未會試榜後感賦二首

倏轉韶華六十年放期名徹

九重天

上垂問

蒙實艱跪拜身衰蹇愧廁

恩科歲接聯冰鑑二賢能不忝

曹儷筮文遠皋皆主今科會試故榜下皆說某

當重赴瓊林也

瓊林一榜已爭傳撫衷何啻重陪謙抵得黃家

問字綠

黃崑剛先生乾隆辛未重謙瓊林

回首城東候曉期單衫破帽涕交頤連晨戶掩朋相慰
過午腸空母未炊忍復科名矜早譽尙慙卷軸是虛欺
但思乞火寒窓底故紙殘毫學楷時

借友人課文餘紙以寫史漢莊騷譜

讀本卽辛
未春事也

陳白陽寫生卷

白陽畫變長洲派何似黃華祖
右丞若準龔文窠石法
可容醉艸託狂僧

荷屋集藏六十二蘭亭冊二首

遠匹南充近菊潭
可會歐褚派均諳
退翁且莫誇三米
潁井先須叩魯南

潁從山本出
於潁井本

誰知祕閣說清容
石本南禺態轉穠
爭向懷仁真蹟辨
且看書府押神龍

神龍本以無印者爲
上此內皆有印者

程松門畫漁洋煮泉圖

煮泉誰華間如與泉對語
此泉七十二泠泠自太古先

生曠古懷泉上澹延佇寒食泰和年
褰裳渺脩阻誰問
白雪樓金輿莽遺圃程君長邗江詩法問齊魯尙執清
湘禪然竹汲漁浦神出戴笠翁石欄憑北渚雨止雲尙
寒秋空月當午松風珠百斛篆紋香一縷北苑自有經
桑苧初無譜空音味外味試問如何煮

游景仁藏蘭亭三首

不見僧權押縫書米題黃絹信何如齋艇手跋同壬午
可識摹鐫祕閣初

王文惠本

僧房小語墨微昏得共平原搨影論碑錄若憑王順伯

仙壇會否叩麻源

勿氏本有宋人手記石在撫州寶應寺浴室又云王順伯疑顏臨者

彭城小印押柔黃御札親瞻訪會稽何似細書鐫胃監

幾行石續六經題

高宗劉如
縮臨本

題蘭亭獨孤僧本燼餘卷二首

我觀落水卷墨花滿晴虛想見千載上
求和三月初觴詠對蘭渚少長羣賢俱寧不擇佳筆稱此繭紙鋪石追
郡齋日敲拭增模糊奚傷追蠹光夏金九牧餘渾淪真
氣出濁影牟尼珠何至皮相者謂出退筆書前趙後邢
侗邢跋亦
云秃毫執末忘根株儼於求師籠親見秃鼠鬚

羣損大觀前何必鑿始薛迷茫藻符中是有真水月集
賢三本評落水記所閱將字半蝕痕尚比玉瑕闕孰意
焦尾桐至音猶朗澈誤怪宛陵劉惜此方寸鐵正當未
火然已苦等蟲齧道眼跌坐餘針蟹何分別仍共落水

裝到岸豈津筏誰悟白石語挑燈曙餘雪

送劉燦廷之官荔浦

積慶門關奕葉光於今政事出文章桂林地近依郁黍
荔浦陰濃藹召棠五嶺炎蒸來沃蔭一經培植念維桑
攜兒鉛槧舟車始夢到城南舊艸堂

蔣笙陔殿撰賀讌詩四首

殿撰班先玉署英父師位恰大司成

尊公丹林祭酒也

名叨

帝鑒逾常格喜動

天顏倍錫榮續人樵言傳沔漢喧將盛事話蓬瀛門牆

更有聯翩語衣鉢由來竊比彭

會試出彭寶臣殿撰本房

釋褐橋門拜講堂金花玉蓋侑笙簧姓名勒石

新恩重詩禮趨庭舊說長忠勗詒謀承

北闕孝銘揚顯在西廡

國子監西廡
石刻孝經

彘倫可踐皆經訓

日月中天 國上庠

冀學士歸不記年劉黃岡後幾人傳朱莊花事燕臺近

黃岡殿撰會試出
北平朱公之門

崔顥詩聲鶴笛先

乾隆壬午予典湖
北鄉試題黃鶴樓

句云千古題詩到崔李
國朝制藝在熊劉

遂有英光積門闕憑將力學答

山川詞林典故 恩輝接喬梓琳琅彙一編

老鳳新鷺感昔遊瓣香花甲說從頭追摹崑圃堂筵繼

康熙辛未黃崗先生撰花
及第乾隆辛未重識復林

什倍雲巖母志酬

乾隆辛
未吳雲

巖殿撰詩有
天憐母志語

歸第笙歌餘韻遶壓函瓊玖豔交投太常

緜幅今誰記黃海淵源爲爾留

新安曹文敏公登第日
吳太常煒賀詩有具慶

下兼重慶下之句今笙陔祖母壽躋八袞
而曹儷笙司農今科主會試故以致勉

丁道護啟法寺碑響揚本

我求歐褚法意到齊隋間文深與孝逸手揚曾迴環每
從樊員外借作仲寶觀啟法拓者稀何髯再三歎何櫝
遺之顧世竟無重刊顧姆懸千金寶若球琅玕窓光爲
我摹陸君盟未寒憶摹常山寺隋石書齊官已導褚先
路肯同晉蹟攀漸開徑坦迤未若峯巒屹迴首羊薄上
始信津筏難丁覘爾何人君謨姑少安北海印尙存庚
子錄非刪更訪范家閣覘逢舊館壇

梁許長史碑今
聞在四明范氏

惲南田蕉林書屋圖爲春湖題

橋李記蕉窓

項墨林有
蕉窓九述

梁家軸又雙誰能惲格擬氣合

李寅降玉楮敲秋碧牙籤剔夜釭他年靜娛室一幅寫

西江

嘗地江都李寅寫蕉林書屋圖後題贊
云祠堂暇歸書屋整籤帙脩閒福

介亭借宿宜黃館旬日矣邀南雅向亭同賦寄

以慰之

兼句抵得故園歸借掩城東兩板扉直爲南豐量石墨
豈遲區子感伊威夢於舊榻成綿雨詩在新涼換袂衣
眞箇欲傳秋信早不煩落葉打窓飛

李春湖得大觀帖第二四五卷

我藏大觀眞半卷遂見汪家一之四舍人隔屋送酒來

口勸張君花下醉

瘦同

酒酣大叫鋒迴處王導書如古刀

幣我藏第六卷正同庾丹陽帖星圓勢以我見聞眞大

觀晉藩馮相疇編系退谷徒援王澧翁宜興那問華亭

齋十卷皆全世有幾矧教紙墨論同異我嘗真石借矩

量三二尺橫餘莫計北裝瓊裹車轂聲賸有榷場邊損

記晉藏不損馮邊損却想弇州宦燕歲俸緡五卷甲戌

秋四淡一濃朱舊筍爾時尙未購其七問與汪君傲酣

睡弇州云續又得第七貞元伯雅印宛然四五卷開初

自二第二卷首有貞元印伯雅正合公瑕淡墨評何必

豐坊真賞例昔嗟邊損書神光每憾馮家鐫未備馮家

櫝憶淮南去鄒子爲子談往事涇鹿馮氏所藏大觀帖今在淮上鄒曉屏嘗詳

之唐卿補本又何往弇州購自朱忠信家是第二四五

者補入汪篋籤題恰相次汪象先藏一至寥寥天壤僂墨

四今見卷五

緣萬古英光不輕寄印餘華夏鑒賞同義仿公瑕宛神
契宗丞几藝檀篆香淡對蘇齋小分隸吾齋篋一君函
三夜夜鄰穿玉虹氣

題大觀第四卷虞帖三首

眼稜面鐵肯傳神圓美之評最誤人不及硬黃添暈手
夢餘官印佩黃銀

祭酒昭陵片石畱周官嘉祐篆誰酬只應嘗熟馮班記
方穩虞書妙過歐

奇零屨屐僅三行審正秦碑代補亡麟角鳳毛收拾遍

天球大貝想齋廊帖僅三行又闕佚小半而審正陝石已有五處予昔嘗擬重摹廟堂碑唐

本於曲阜未知何日得踐斯言

題大觀第五卷既移屋帖三首

官奴付受意誰知真見書褰午睡遲東觀識來西屋字
買王始是得羊時

黃長容以此爲羊
欣書實定論也

整齊變化寓參差章法天然落筆時莫信良常王給事

等閒傳會孔琳之

王筠林謂帖末九字小於前是旁注
者非也第三卷孔琳之帖內小字一

行乃是
旁注耳

物勒工名執藝臣石邊小字資難真幾年車轂敲磨後

尙記宣和內苑人

第二卷鍾書宣示帖度其字右側邊
有臣張長吉張仲文卸情書第二帖

末空石右邊臣張珪第四卷宋儋帖第一行右邊臣張
珪第五卷徐嶠之帖第一行右邊臣傅其理第六卷右
軍書想小大悉佳帖之四行右邊臣張珪蓋大觀每
石邊皆有之此其畧可見者記以爲辨驗真本之券

答金手山

北地湖湘篇昔仿贈金十昨於樂生歸重感前袞執道
惟大路師蹤非古賢襲詞場羣彥翔耦進堂階揖此心
之精微脩綆肯同汲嗜甘而忌辛駁騁豈閑馬蘇門問
杜法圭景苦卓立郢曲理牙絃寒竽詎終鋹豈爲夸譽
名怒饑需孔急比巷曠然鷹千里緘儻及墨池點南雲
邗浦又涼霽寄與樂吳論悅共蘇齋笈

蓮府壻重借舊裝化度春艸堂本來小几對看

感賦

溫陵孝子寸暉心那數重裝到墨林猶識頂前小史字
磨丹露滴直兼金

送謝蕉石知歸德府二首

秋光嵩洛照孱顏五馬珂風響珮環政事文章湯宋後
筆牀琴軫泫唯閒關心雪返茶甌夢回首雲深玉署班
四十年前聯榻語負書銘記少霞山

憶尊甫出守鎮江在吾齋作通夕話也

開府平生未竟心詞垣兩世受

恩深養親倍展馳驅力有弟能借答報忱按部彭家懷

舊緒

君妻兄彭君先爲此郡

緘題蘇室切知音春暉暇更箋滂喜

膏晷陰仍繼桂林

尊甫撫粵西時撰小學攷今將付梓

題樂毅論越州學舍本四首

孫鑛能知濶幅殊竟疑墨本在中吳雙桐影拂瓊塵起

何似徐家淺石膚

此本字裏小損裂痕文氏停雲帖皆一劃損以肖之故用錫山徐氏家

藏樂毅論石屑飛起事
見王順伯復齋碑錄

我懷蕭阮問朱徐尙想馮郎揚影初張丑眼空南渡後
江邨絹素竟誰書

渠几精神到練袞誰從羊薄理前聞梁唐一線窓光在
閨檻何須叩末欣

石追元祐說元符劉邵監工尙憾龕豈意江邨珍絹本
重開帖尾付官奴

永和年月下無書付官奴四字宋後僞作者所加耳

錢舜舉楊妃避暑圖卷爲荷屋題

貌肥丹粉肯輕施不是華清出浴時底事史評資笑語

魏碑分隸更豐肌

是日荷屋以所藏舊楊勸進碑屬題

范寬山水

荷屋所藏王鐸丙戌五月題

紀家月舫題范畫夢餘廿又七載前暇嘗默坐想畫意
巒頭沈頓皆華原秋杪屯陰快新霽可卷手此砭我頑
中峯突兀壓全軸不使疊嶂參其間石橋林屋帶複磴
畧以雲氣相迴環一於中峯得遠勢墨影淡入蒼蒼煙
終南太華起對面化盡平日師資傳秋光却在空廓外
絹糜敗處神逾完畫家工力孰與匹可菴故事近可援
邕師塔銘玉泓軸半幅昏楮開嬾始畱我齋几未逾月
通靈飛去難追攀絹昏得此盎盎氣暉補更極中鋒圓
香光那區河朔派孟津漫借艸隸詮脩椽之筆乃在此
且莫傅會元遺山

葉雲素栽竹寫書二圖

寫君栽竹傳君心，凌虛節節春暉陰。
家園水郭新雨足，筍株玉立青森森。
千梢萬羽掃眾綠，穿林亞石源可尋。
先生笑指插架富，切磋有斐皆規箴。
課僮捧雲掬月手，何用仿帖函來禽。
蕭寥千載禮堂感，整齊百家非蠹蟬。
八寸策閒自界格，萬古汗竹搜瓊琳。
目追涇東已倍四，迴首葦竹滄江潏。
葉文莊葦竹堂書目二萬餘卷，今君家所藏已至八萬卷也。膝前
有人日鑿古小歐，陽又能嗣音風篁。
相答簡軸外鏘然，似和泉鳴琴。

哭培兒三首

去年嗟喪子，敢比笛漁才。
覩厠西曹直，曾官藝苑來。

恩蒙

天語及

上方綱 召對時

班切畫圖陪

乾隆庚戌十月二日

御門臣父子

俱人直繪為卷 逾分焉承受慚惶強制哀

編摩殫午夜黽勉廿年餘

紫誥酬兄志

見官檢討時

贈其金泥報母書

官郎中時以加級四品贈其外祖母張家先子感

兄樹端

國史効忠初

先君每以先姑丈之祖陝西波羅營副將張公國彥全家殉節

恩子蔭襲未

得繕寫全傳為憾兒修

史時手錄其傳歸藏於篋

此段堪追處翻憐我不如

分書效史晨泉志補洪遵小石峯誰記

昔藹石號之日

峯小印付之蓋

黃花節忍論

九月初八日

竟無摹榻蹟未

期望其成也 作苦吟人燕角邨珉刻僧寮儻勿湮

見於城南別得遠

諸法源寺將來或

借此以不泯乎 送蔣礪堂總督兩廣二首

數歷精忱荷

主知海疆不獨切民宜重洋表裏澄心鏡五嶺東西挈
手釐教養撫綏交劑矣恩威寬猛合兼之低徊藥渚榕
陰夢十載潮陽按部時

礪堂昔觀察
惠潮諸郡

忝從梓社桂英栽得見南天制府開君自世家光舊闕
我嘗倚棹愧掄材七千里外輶齋句四十年前茗檻陪
固合詩名查老逸未親訪友穗城來

礪堂新刻拙集故
用佟陶菴撫粵東

爲查初白
刻詩集事

顧南雅從遊赤壁圖

坡公攝衣時斷岸俯千尺周郎安在哉誰論彼二客氣
躋萬物表舌捲空江碧李委笛聲外孰可同帆席顧子

起江東胸有萬古積寒溪臨臯詩日屢若親炙夢到巉
厓間絕境剝開闢前有策杖者飄如舉仙翮後卽南雅
來追摹笠與屐畫手寫大意未遑心志逆中間笑語言
多少精微獲下瞰馮夷宮欲吞雲夢澤先生語顧子記
此長嘯夕是乃詩夙盟一笑水雲白所以叩蘇齋印此
真赤壁秀有孤鶴飛爪痕在厓石

吳南薌自山東來繪泰山孔林蓬萊閣觀海爲

冊屬題二首

以下
王申

觀海登山學聖門君從何處問真源胸蟠檜柏驟鸞鳳
手挈陬維縷角根越渚石經摹未盡

用洪文惠
蓬萊閣事

岱巔秦

篆道誰尊斯文萬古天東在少石先生儻共論

明鄞縣
陸少石

督學山東嘗云泰山五岳之宗也
聖人百世之師也北圖可補其語

俱是使車懷惡處披圖重結緒迴環數行甲秀非全譜

子手蔡劉斯立泰山篆一卷濤音未罄剛前在東萊訪

諧擬勒石而尚未果殘隸何郎雖寄訊何夢華於孔

夕亭觀海諸什頗有足韓勅後碑鄭谷口向及賴君

補漁洋詩注之誤者見之而予屢訪不獲

元年孔後碑鄭安敢追攀

君殘碑後碑鄭安敢追攀

槩爰傳神筆補我雲嵐舊夢還

吳荷屋登岱圖

欲造元氣表直上皆蒼松萬古兩壁對一氣洪濤衝引

路到天門盤盤百千重一步一迴瞰交翠來盪胸而君

於此間覓句意從容昨夜岱頂宿石窓仙客逢話此憇

半晌目已小千峯俄頃雲生屢濃綠濕我筇大石孤嶂

外一聲煙梵鐘

題上官瘦樵畫冊

鄭邱對賞人安在何况查田問竹莊清峭記攜驢背影
驛梅雪嶺瘦滕囊乾隆辛卯晤瘦樵於潮州以其祖竹
莊寫騎驢曳小幘爲贈鄭雨亭邱東
河皆與瘦樵友善

二老話舊圖五首

二月二十九日楊立
山表弟來作此圖

幾日兒童侶今皆八十翁誰期百里外每話一窓同不
隔湖梁水無勞柬軸筒天教雙白髮長聚畫圖中

來還及春信爲我起殘更記訪茆茨榻仍前豆腐羹宦
情非杜路壽骨說蘇程剩有繙書味酸寒老弟兄

羅家井籬合鑼鼓巷書齋我輩未生始先人早盍儕名

場齊譽久把卷外家懷舊本官刊帖何殊撰杖偕方綱幼時

先君每說你姨父楊公有舊拓淳化閣帖暇當攜汝往看

丁陸肩相亞馮林韻共聯墨深秋雨滴影巾夜燈圓苑

柳絲還結箬藤蔓尙纏趨來故人子似我鬢髻年是日陸鎮

堂令嗣適來共話

慈恩高薛句朱紀未成圖曉嵐石君屢約共圖爲卷而未果少壯時如

昨飛騰意有無中間交感處觸緒倩誰摹只有青蒼氣

苔岑借竹梧

早春謝送花之作寄覺性禪老兼呈野雲

經寮分隙住園丁春信初迴逗近垆報客語先催鳥呀
叅禪偈是護花鈴借君對賞來浮白嗚我衰遲欠踏青

行不方星之卷之四
二
冷淡心情穠麗句新鶯苦泥著荒庭

野雲得古象笏題曰笏齋

牙笏揩摩玉版光函開三硯對焚香吮豪大笑胡髯更
欲傲金陵笏滿牀

陸郎經傳屬友摹二老話舊圖於扇頭二首

聚話蘇齋不偶然苔岑數筆亦前緣每追對榻枯吟處
多少窓光惜未傳

莫厭寒燈共苦辛伊唔賞析最情親他年買絹重謀藁
今日趨庭問字人

昨欲同寫四兒及陸郎於卷而未及
寫入故以此詩締數十年後同寫之

云

舊居二首

八十衰頹訪舊居年深今異昔門廬瓶斂缺井簷仍覆
瓦剩東牆蔓未除小院荒蕪誰識處半椽想像我生初
北窓併廢爪荆綠不忍追惟皮案書

鄰翁髻感雪霜侵隔戶人煩茗椀斟已是後來非舊識
况從前夢說如今偏憐露坐門隅話似畏茅柴土鏗尋
賴得楹屏都換了不然觸目更傷心

是日城東訪舊遊復得二律

萬柳堂非爲看花童年遊釣水之涯朱居士共叅禪偈
阮侍郎來淪薜芽老懶御書樓未上晨光夕照寺初
斜社鄰那續遺山句借榻僧窓憶外家

育嬰堂後讀書堂屋宇雖移地未忘柴李遺祠仍待葺

國初柴李二老人始創育孫馮舊蹟未全荒有孫退谷
嬰堂堂後有柴李二公祠孫馮舊蹟未全荒
門外有涿州馮文敏書教養百年故事須增復廿載前
作境四大字脾坊今已重摹
來已感傷陳六謙碑手摩處矮窓記影十三行

覺性禪老送養缸養魚作

禪牀讀罷止觀經閉眼萬象生精靈空諸起滅垢淨相
一寫圓月開泓渟階前叢竹隔溪樹淡若藻荇橫窓櫺
一卷南華誦秋水河伯海若俱忘形鯤池九萬壯風翼
坳堂假以圖南溟碧雲團團縹緲養甕滴起勺水翻銅瓶
游鯈唼喋花影活吹沫細浪交浮萍來叩蘇齋覓轉語
肯涉較量楹與筵壘空稊米等豪末濠梁所以喻渚涇
知魚之樂彼卽此人機篔竹推青寧豈如道眼渾一視

唾珠滾滾泉泠泠風來喧皺破荷葉半窓翠湧益山青
昨夜簷前響飛雨正作戲海羣鴻聽爲君大艸翻墨勢
玉池默坐存黃庭

董文敏書劉必通賣筆木牌

禮曹門前縛筆工百年來說劉必通賣筆老人爲我說
及聞乃祖識董公董公初擢容臺日聲名走卒喧兒童
每逢下直望輿拜墨本舊作紗厨籠雕鏤挂向市闔口
問價傳到滄海東十年票本筆盈筥追陪錢七與紀四
紀四自嘲古錦囊

曉嵐以錦囊囊之自題句謂雖不善書而用此筆以傲人也

錢七

醉滿欹斜字約作劉家水筆詩老梁筆飲銘相寄

山舟

貯水以防其膠名曰筆飲

日日歸途駐馬看何減二膺清禪寺

唐王知敬

イララ言イララト

一ノ

書清禪寺
人皆駐馬觀之

忽忽廿年門逕改依依對案細毫次老

廢詩篇病廢書弱毫尖硬試何如敗瓦闌坊偶尋得膝

紋殘破更難摹宣城諸葛山陰帖蘇陸詩誰問李屠

集有筆工李文正放翁集有筆工屠希我詩聊補橐筆初錢七墨花今已

無坤一作墨花竹必用劉家筆續入瀛洲道古錄舊話帝里城南隅

仿佛二間水亭上小船汲取明月珠東城外二間一艸亭有董書扁

寄鄭東侯山西文水人

天語榮同踐賜筵去年春否董閣老以臣方綱對王申無會

榘正重逢花甲寄同年停雲家法今文水尊公書似衡山故以衡山

仲子文國學師資老鄭虔去秋重識鹿鳴晉秩園子司業畫品飫聞虹

貫舫書來誇說地行仙江頭白髮雙尊宿清淨遙拈丈

室禪

謂同年梁山舟夫婦今年皆九十

仿作漢建初銅尺歌

文云慮虎銅尺建初六年八月十五日造

慮虎銅尺建初字更在禮器金鄉前奇觚小隸初變篆
那數武梁祠闕鑄五鳳石書亦如此朱老誤以石作甌
石多金少古所祕矧挈度量參衡權銅精介節取同俗
和黍斐起黃鐘先建初年方議虎觀竹簡初啟雲臺編
西京劉歆銅斛式杜夔荀勗銘相沿龍山晉水銅出冶
程邈隸古誰差肩太原郡邑紀秋望律準月滿生規圓
鈞繩四磬百寶氣星芒涑點凝紫煙千四百年躍水出
孔壁絲竹宮牆邊昔與孔莊顏齋二詞客手楷古綠同
廟研壬秋並几艸亭上長歌記共嚴冬程魚錢癸癸廿

年後得拜洙泗復借行篋勤鈎填墓以香檀裝以櫝日
久比較工微愆昨者阮公復借示妙哉葉子真宿緣西
洋精銅三尺出庭前榻上光迴旋一如慮虜新造日肯
假歛識秦熹傳後來沈彤說周禮朱載堉紛繪漢泉墨
拓重輕楮燥濕伎柯睨執空言詮此銅尺卽古銅尺仍
昔官鑄無變遷周漢晉皆等圭臬阮葉翁各盟丹鉛阮
公旣富周漢器葉子復深篆隸箋我雖嗜古無長物得
藉鑿訂來羣賢此尺此銘此秋月快若寶鏡開中天料
量等差辨同異何必東觀董廣川重結蘇齋金石契玉
虹夜夜術杓躔誰云隸從漢京始自今櫝更垂千年

王煙客寫生卷二首

西田壘上真風露雨後皆成古墨香中有綠蕞人澹對

橫涇一碧氣青蒼

西田地名歸涇

老筆濃陰點石欄空諸鈎染法尤難莫將道復傳神比

我作芝廬篆隸看

煙客集名芝廬

又題仿漢尺牘代銘二首

鄭君禮注費人猜未得周遺矩樣來今日手量銅式出

班劉竹引爲重開

寶匣熊熊氣躍龍河豚米老鷹何從從今不仗朋枚釋

箱篋長收古鼎鐘

以禮器碑末行小隸爲軸報東卿

慮虎一行隸兼篆東京小隸此最先黃山梁山鐙銷字

我見尙或疑摹傳葉子爲我仿銅尺此銘古質如初鐫
篋中無物可與儷永壽韓相碑陰邊拓工惜紙棄不顧
我昔量石捫星躔良常王叟詫隸古誤謂屢變來爭妍
碑石勒名自誰始二仇已在中郎前山陽金鄉七人作
矚奴尙泐其一焉岐陽十鼓無姓字古今書手誰差肩
隸勢况居漢碑冠閣道漫詡洪适編隸釋品漢碑推何君閣道碑第一
幾年濡紙戟門畔一條亦若量尺然神光炯炯起豪末
金絲叻叻來豆籩建初尺攢得共几何減再拜聆宮懸
摹尺圖兼摹此軸氣壓百幅巾箱船韓相碑函久闕此
一串珠斗垂璣璇况如中秋造尺夕笙吹譜下寒宮圓

題聖教序舊榻本三首

纔隔馮湯三十年羣羊叔脚已難傳未知中禁西堂目

可在馮湯響榻前

羣脚叔筆懷仁所集最爲見真乃作雙層落筆右軍真蹟必不如此

祕笈牙籤借殿庭道場爭比叩蘭亭硬黃一例來禪院
屣屐元曾似梵經

輕薄誰將院體論勿嗤蟬榻墨微昏若雷什一空千百
尙想牀頭削棊痕